

黃籙十念儀

法事如式

伏以天覆地載 密運生化之樞機 日往月來 盡屬虧盈之光景
惟是春榮秋落 陽息陰消 難逃遷謝之期 孰免輪迴之數 況乎
人生三界 性稟五常 如石火之耀明 似電光之倏忽 倘非得道
曷守真常 今者亡過 性稟沖和 心懷上善 妄想椿松等壽 金
石齊年 奈何三彭二堅以相催 四大百骸而莫駐 繇是相離慘切
眷戀悲傷 慨歿後之情深 痛生前之義重 是用嚴精法會 虔備珍
羞啟三境之高真 揚十華之寶號 伏願 神魂不昧 儼若生存 頓
釋塵緣 恭聽法語

按人各恭敬

宣告亡靈 第一歸依

無上道寶 十方大聖 太上三尊 億劫度人 先天立教 慈悲廣濟
溥及群生 玉相金容 分形變化 影隨響答 善應無方 此世他
生 常當信禮
宣告亡靈 第二歸依

黃籙十念儀

清微藏書閣

無上經寶 十方上聖 寶藏靈文 玉字金書 龍章鳳篆 三十六部
萬八千篇 指引沉迷 超昇道岸 行行滅罪 句句消愆 此世他
生 常當信禮

宣告亡靈 第三歸依

無上師寶 玄中大聖 上古三師 正一真人 三天教主 十方世界
得道神仙 傳法授經 開悟群品 是真父母 是大醫王 此世他生
常當信禮

伏以 道引登真之路 經傳化善之階 祕典琅函 仗簪裳而讚
詠 靈音妙範 引魂魄以超昇 人間之光景難留 何煩顧戀 仙界
之雲輶自在 任意躋攀 已聞三寶之名 再舉十華之號

道場眾等十念如法

志心信禮

東方九炁天君 神仙諸靈官 稽首

東方主 玉寶皇上尊

願垂大慈力 超度此亡靈 和往生神仙界

志心信禮

南方三炁天君 神仙諸靈官 稽首

南方主 玄真萬福尊 願垂大慈力 超度此亡靈 和往生神仙界

西方九炁天君 神仙諸靈官 稽首

西方主 太妙至極尊 願垂大慈力 超度此亡靈 和往生神仙界

北方五炁天君 神仙諸靈官 稽首

北方主 玄上玉晨尊 願垂大慈力 超度此亡靈 和往生神仙界

東北方梵炁天君 神仙諸靈官 稽首

東北主 度仙上聖尊 願垂大慈力 超度此亡靈 和往生神仙界

黃錄十念儀

清微藏書閣

東南方梵炁天君 神仙諸靈官 稽首

東南主 好生度命尊 願垂大慈力 超度此亡靈 和往生神仙界

西南方梵炁天君 神仙諸靈官 稽首

西南主 太靈虛皇尊 願垂大慈力 超度此亡靈 和往生神仙界

西北方梵炁天君 神仙諸靈官 稽首

西北主 無量太華尊 願垂大慈力 超度此亡靈 和往生神仙界

上方一炁天君 神仙諸靈官 稽首

上方主 玉虛明皇尊 願垂大慈力 超度此亡靈 和往生神仙界

志心信禮

下方九壘土皇君 神仙諸靈官 稽首
下方主 真皇洞神尊

願垂大慈力 超度此亡靈 和往生神仙界
禮念

十方空界一切天君 奉為亡靈 虔誠懺悔

次懺悔

志心懺悔 奉為亡靈 懺悔亡過身業罪 身業無邊罪種種亦難
量 舉止去來間 滯染諸塵垢 華飾貪逸樂傲誕世間人 今對大慈
尊 一心陳懺悔 願此亡靈身業罪 消除永不生 清今契神仙 永
離三途苦

眾和 志心稽首 禮謝

無上正真三寶

志心懺悔 奉為亡靈 懺悔亡過口業罪 口業無邊罪種種亦難
量 兩舌及浮言 毀謗真經教 啗食有情物 窘辱世間人 今對大
慈尊 一心陳懺悔 願此亡靈口業罪 銷除永不生 絕彼是非言
常演真經教

黃錄十念儀

清微藏書閣

眾和 志心稽首 禮謝

無上正真三寶

志心懺悔 奉為亡靈 懺悔亡過心業罪 心業無邊罪種種亦難
量 嗔喜及愛憎 一切從心起 嗜慾兼虛妄 嫉妒世間人 今對大
慈尊 一心陳懺悔 願此亡靈心業罪 消除永不生 智識迴開明
洞達希夷旨

眾和 志心稽首 禮謝

無上正真三寶

志心懺悔 奉為亡靈 懺悔亡過慳貪嗔怒愚癡罪 邪淫偷盜殺
生愆 謗經毀教不歸依 怨道咎師違盟誓 身心妄想無休息 耳眼
生貪不住時 過去未來及今生 三世罪根難可測 此日發心陳懺悔
從前障惱願消除 言詞既向道前陳 眾聖定應空裏鑒

眾和 志心稽首 禮謝

無上正真三寶

志心懺悔 奉為亡過 懺悔亡靈耳眼鼻舌身心罪 六情六欲六
根愆 管絃嘹唳少真音 紫綠繁華非正色 蘭麝競裝馨香處 車馬

崢嶸馳騁時 甘辛百節恣傷神 喜怒無常唯奪壽 六情每引沉淪路
三寶常開拯拔門 從今發露首前愆 總願罪根悉消滅
眾和志心稽首 禮謝
無上正真三寶

向來稱揚 十念功德 無限良因 用薦亡魂 超昇仙界 唯願
雲車鶴駕 從空裏以來臨 寶節瑤幢 自丹霄而接引 騫林樹下
常聽真經 寶月池邊 時聞雅範 生前萬罪 隨懺念以消除 歿後
千愆 仗今辰而解釋 一禮一懺 句句消愆 功德巍巍 除殃滅罪
刀山成寶座 劍樹化騫林 獄卒竟修仙 牛頭成上道
鑊湯消業火 泉曲罷寒冰 五道與三途 火車皆消散
生前諸罪咎 繫結在酆都 六情多恣縱 萬惡逐緣生
心意三業 耳鼻舌身 飛步黃庭 謁玉帝於天宮 會列仙於雲路 躋
更願神超碧落 嬉戲瑤池 閑登劫仞之臺 道契無為之侶 飛昇遂性 動
攀瓊樹 植昭甦 一切有情 同登道岸

黃錄十念儀

清微藏書閣

黃錄十念儀竟

天運壬辰年巳月正一天師清微弟子洪鼎堅羅大英恭錄彙編
蔣科靜複校